

和刘道原咏史

<p>仲尼忧世接輿狂（1），臧谷虽殊竟两亡（2）。吴客漫陈豪士赋（3），桓侯初笑越人方（4）。名高不朽终安用，日饮无何计亦良。独掩陈编吊兴废，窗前山雨夜浪浪。（1）《庄子·人间世》：孔子适楚，楚狂接輿游其门曰：“凤兮凤兮，何如德之衰也！来世不可待，往世不可追也。天下有道，圣人生焉；天下无道，圣人生焉。方今之时，仅免刑焉。福轻乎羽，莫之知载；祸重乎地，莫之知避。已乎已乎。临人以德！殆乎殆乎，画地而趋！迷阳迷阳，无伤吾行！吾行郤曲，无伤吾足。”（2）《庄子·骈拇篇》：臧与谷，二人相与牧羊而俱亡其羊。问臧奚事，则挟策读书；问谷奚事，则博塞以游。二人者，事业不同，其于亡羊均也。（3）《晋书·陆机传》：陆机，吴郡人也。齐王冏既矜功自伐，受爵不让，机恶之，作《豪士赋》以刺焉。（4）事见《史记·扁鹊传》：扁鹊，姓秦氏，名越人。与人论方直言病之所在，不待切脉望色听声写形。过齐，与齐桓侯看病，桓侯不应，后体病，召扁鹊，鹊已逃去。（苏轼道家诗之系列：哲理类。本文由柏升整理提供）</p><p></p><p>下载本文pdf文件</p>